



UNIVERSITÄTS-
BIBLIOTHEK
PADERBORN

**PSALTE=||RIVM DAVIDIS || CARMINE REDDITVM || PER
EOBANVM || HESSVM.||**

Hesus, Helius Eobanus

Lipsiae, 1557

VD16 B 3198

Psalmvs CXLIII. Benedictus Dominus Deus meus,

[urn:nbn:de:hbz:466:1-69301](#)

Abiже & ad nihilum redigens age, perde malignos,
Tu quia me Domini iura regentis habes.

PSALMVS CXLIIL

Benedictus Dominus Deus meus.
ARGUMENTVM.

Est insignis Psalmus, in quo simul gratias agit, & orat pro regno & Ecclesia contra hostes, seditiones ciues & Pseudoprophetae. Habet autem insigne τάχος, quod miratur Dei beneficentiam erga homines ingratos & malos. Quid est homo, inquit, quod licet curas eum &c.

Iura magistratus, reges, pax, fœderata, bellum,
Vniuersitas in Domini sunt sita cuncta manu.

Ille docet quicquid scimus, facit omnia solus,
Quo sine tam fragilis quid potuisset homo?

Psalmus David.

Gratiarum actio
pro regno.

Symma creatori Domino laus, gratia, uirtus,
Cuius habere parem gloria iure nequit.
Dura manus in bella meas qui format & armat,
Ad fera qui digitos instruit arma meos.
Hic bonitas, hic summa mihi est fiducia, ab illo
Munior, hic instar turris & arcis habet.
Quo mihi ceu clypeo spes præsidij omnis habetur,
Imperio populos subiicit ille meo.

πάθω.
Magna Dei bo
nitas est, sic cu
rantis nos misere
tos homines.

Cur tibi sit genitor mortalis homuncio tanti,
Hunc ut & agnoscens nonnihil esse putas?
Vita hominis nihilo similis, fugit ocyor umbra
Quæ uenit & minimo tempore tota perit.

Bccel



Ecalis Domine in terras descendere iacentes,
Tange manu, sumos, culmina summa, dabunt.
Fulgura mitte, quibus pereant, intende sagittas,
Ut cito recordes ad tua tela cadant.
Mitte manum de sede tuam sublimis Olympi,
Auxilium nūdix ut ferat illa nubi.
Eripe me uelut immensis è fluctibus ægrum,
De ui quam misero fert aliena manus.
Eripe me à populis qui nūl nisi uana loquuntur,
Qui dextra fraudes insidiante parant.
Sic tibi summe opifex rerum noua carmina dicam,
Cantabunt laudes organa nostra tuas.
Organa, sed fidibus bis quinq; instructa, feremus
Plectra, Lyras, Citharas, Organa, Nabla, Tubas.
Per quem dura gerunt Reges & prælia uincunt,
Dauidem seruas hostis ab ense tuum.
Eripe me seruāq; uolens, aliena repelle
Agnina, que legi sunt imimica tue.
Qui cum sint homines reprobi mendacia miscent,
Quorum dextra dolos insidiāq; struit.
Ut nostri incipiāt nobis adolescere nati,
Ut tener è molli surculus exit humo.
Ut nostræ niteant formoso corpore natæ
Qualis in eximia est pulchra columnæ domo.
Ut sint nostra opibus penuaria plena repositæ,
Copia nec cesset, nec uacet ista manus.
Ut gress mille ouium producat millia centum,
Quæ nunc nostra auido pascua dente metunt.
Tergaboum graibus sint pinguis & apta frēndis,
In nostras ueniat nulla ruina domos.

Orat ut Domus
nus simili felici
tate defendat
& seruet con-
tra hostes Ec-
clesiæ, hoc est,
Pseudoprophe-
tas, quos uo-
cat alienos illi
os, quorum do-
ctrina et opera
mala sunt.

Redit ad grati-
arum actionem
pro regno, &
repetit oratio
nē contra pseu-
doprophetas,
pro Ecclesia et
pro regno.

Hæc sunt poli-
tica & econo-
mica cōmoda.

In nostris uox nulla sonet truculenta plateis,
Et poscit nostris rebus abesse nihil.

Hic uersus in **Felicem populum qui tantis dotibus auctus,**
Hebreo habet **Se Domino curæ nouerit esse Deo.**

PSALMVS CXLV.

Exaltabo te Deus meus Rex, & ben.
ARGUMENTVM.

Est insignis Psalmus, in quo gratias agit
pro Regno Christi: quod sit regnum, miseri-
cordiae & gratiae, & æternum regnum, in
quo lapsi eriguntur, orantes exaudiuntur,
& periclitantes & afflicti reguntur ac gubernan-
tur: Hæc insignia & præcipua sunt bene-
ficia Regni Christi in hac uita.

Pro meritis laudare, Deo gratissima res est,
Nec poterat ritu commodiore coli.
Magnificis Domini pietas & gloria uerbis,
Non potuit uenæ diuinitiore cani.

Laus David.

Propositio **P**Erpetua te laude feram Rex maxime rerum
gratiarum aeti **Mi Deus, ô maior uocis honore mee.**
onis.

Narratio, que **Perpetuo tua facta canam, tua nomina dicam**
exponit ratio- **Perpetuo, & si quid longius esse potest.**
nes propositio **Nulla dies sine laude tua mihi desinet unquam,**
nis. **Ista tuæ laudis fama perennis erit.**
Magnus es & laudum elogio dignissimus omni-
Qui dextra rerum sceptra potente tenes.

